



21843

III

Mag. St. Dr.

P

Joannes

Scholar. Piar. Centrum publicae

felicitates.

PANEG. et VITAE

Polon. Fol.

Nº 727

C

M

I

50

CENTRUM

P V B L I C Æ

FELICITATIS

In Avitæ FASCIÆ Sphæra

ILLVSTRISSIMI

&

EXCELLENTISSIMI DOMINI

D. JOANNIS

de MAŁACHOWICE

MAŁACHOWSKI

Comitis in Moszczenice, Rękoray, & Końskie

PRÆFECTI OPOCZNENSIS

In solenni suæ Præfecturæ ingressu

Panegyrico Collegij Cracoviensis Scholarum Piarum
stylo

DEMONSTRATVM.

Anno

A concentrata in Orbis sphæra felicitate 1725



CRACOVIAE

Typis Iacobi Matyalszkiewicz, S. R. M. Typographi.

M.

In Avitum Decus
ILLVSTRISSIMI DOMINI
CAPITANEI



I.

Bella gerant alij ferroq; auroq; potentes,
Vt Dominum cingat Regia sphæra Caput.
Non bellare Tibi ferroq; auroq; necesse est,
Cùm sit in Augusta propria *Vitta* Domo.

II.

Fascia prægrandem cæli sinuatur in Orbem,
Quàm teneat magnas, hinc patet, Illa do-
(mos.



ILLUSTRISIME

ET

EXCELLENTISIME

DOMINE.




Eteriore haftenus Fortunæ rotâ raptata Patria, hodie in Gentilitiæ Tuæ FASCIÆ Sphæra, felicitatis suæ attingit centrum, ubi secunda illius revolutione, primum honoris tangis punctum. Quod enim illi æternaturæ prosperitatis non accedet coronamentum, ab interminato ILLVSTRISIMÆ Domûs Tuæ circulo? quæ illi non vehentur gratiæ, hac melioris fortunæ rotâ, quis gloriæ non orietur splendor, ab hoc assymbolo sphæris cælestibus Orbe? quem post

tot Illustrissima præclaræ Genesis sydera, Sol
gratiarum novis illuminas fulgoribus. Sanè
jam Patriæ, post tot cruentos adverforum
conflictus, in circulari Tua Tænia arcum tri-
umphalem moliuntur cæli, post tot malorum
victorias, coronam porrigunt. Nihil nobis
ampliùs violenta poterunt nocere fata, ubi
armatæ in nostram pernitiem eorum manus,
hac adamantina constringuntur Catena, afful-
gebunt post bellorum nubila dies sereniores,
dum faventissimæ Orbi Sarmatico Sphæræ
circuitu regulabuntur. Id sibi de Avitæ Tuæ
FASCIÆ Firmamento, id de Te ILLVS-
TRISSIME & EXCELLENTISSIME
DOMINE pollicetur Patria, alligabis tabo
putrida illius vulnera, Tuâ Patritiâ FASCIA
Sarmatice Alexander, simulq; sanabis, in Ior-
dane Tutelaris Tui, omnē malorū demerges
pyraticam, onerariâ Patriæ ad littus fortuna-
tum, locò cælestis Cynosuræ, Sydus diriges
Gratiarū, cui Palatinos splendores, inextin-
ctâ honorum lucem ex animo precatur

ILLVSTRISSIMO & EXCELLENTISSIMO
NOMINI TVO

Devinctissimum
Collegium Cracoviense Scholarum Piarum,



PANEGYRICUS.

ILLo ipso aureo eloquen-
tiae Tuae torque rapis in
applausus animos, quo
nuper ad Universalia
Regni Comitia Legatus,
coronatum Caput in admiratione, ora
Procerum in panegyres, affectus Civi-
um in Tui amorem rapuisti **ILLV-
STRIS-
SIME & EXCELLEN-
TIS-
SIME DOMINE.** Quem enim
illi plusquam humanae Tuae facundiae
non rapiant circuli, dum illis (velut
quondam gemmae suae sphaerae Pyr-
rhus) omnes politioris sapientiae imple-
A xui.

xuisti deas, illos tam argumentorum,
quàm conceptuum innexuisti flores,
quibus & desideria Patriæ, & præcon-
cepta de Te magnæ Genesis vota coro-
nares. In primo hoc Legationis Tuæ
tyrocinio, veteranis in hac palæstra
magistris eripuisti palmam, dum omnes
illas Oratoriæ activitatis dotes, cum
Patritiæ FASCIÆ rota devolutas in
Te exhibuisti, quas in ILLVSTRIS-
SIMO & EXCELLENTISSIMO
DOMINO PALATINO POS-
NANIENSI Progenitore Tuo, Ma-
gno ad Universales Confœderatarum
Gentium Pacis Tractatûs, Legato,
Orbis universi Principes, concentra-
tas, stupuerunt. Libet hic Tanti Se-
natoris commemorare dexteritatem,
in cuius unius vultu totam Sarmati-
am viderunt exteri, & vel ex solo oris
aspectu legerunt oracula. Illo, præ-
sentibus Imperij, Angliæ, Fœderati
Belgij, Venetiarum, Moschovia, &
Othomannicæ Portæ Legatis, verborû
pero.

Illus. Pala-
tino Posna-
niæ pacem
cum Turca
evincit.

peroravit torrente, ut ignes Gradiui,
qui totâ hactenus inflammaverât Eu-
ropam, serpente usq; ad Poloniam
incendio, sint extincti. Arsisset hucusq;
Othomannici belli facibus Austria,
Pannonia, nisi ille vehementiore di-
cendi spiritu obstitisset, replêssent præ-
liares Asiæ argonaves Lechicum No-
strum Hellepontum, aureumq; li-
bertatis avexissent vellus, nisi illas in
Oceano eloquentiæ suæ demersisset, cæ-
pisset Atalantam Sarmaticam Bisan-
tinus Hyppomenes, nisi illum aureâ
suæ facundiæ catenâ Hercules iste re-
traxisset. Quod ergo rupta sint lori-
cata Martis retia, quæ in capturam
Stemmaticæ Regni Nostri Aquilæ, à
Bistonio tendebantur aucupe, fulmen
verborum illius effecit, quod fusi san-
guinis corallijs nostram non licitemur
securitatem, suæ Legatialis eloquentiæ
debemus gemmis, quod post bellorum
tonitrua, candida pacis unio coaluerit,
suavioris eloquij sui rori adscribendû.

A.

Novus

Novus extra fabulas Poëtarum Amphion, gratioris modulamine svadæ, non jam aliquot saxa, sed integrum Regno attraxit Camenecum; Sanctior Orpheus Asiaticas Tygrides nostrum sitientes sanguinem cicuravit, Mercurio Deorum Legato præstantior, pacem enim, quam ille Gigantibus cum Cælo persuadere non valuit, hic cum Polo Lechico, pretioso apparatu svadæ persuasit.

Quantus, quantus est iste Paternæ apparatus facundia, totus cum Sanguine in ærarium Tui pectoris influxit
ILLVSTRISIME CAPITANEÆ, factus es ex asse hæres tam divitis gazæ, ad quam & aurei Oris Orator, cujus natali die primam aspexisti lucem, suæ eloquentiæ aurum attribuit, & Sol tunc in Aquario horoscopans, fontem suarum affudit divitiarum. Non miramur ergo, quòd Princeps Legatorum proclame-
ris ab omnibus, cum Tibi Princeps
Men-

Ill. Capita-
neus die S.
Chrysoflo-
mi natus in
Januario.

*Mensium Ianuarius, ad prima & sum-
ma omnia januam aperuerit, non
stupemus, quod auro trabeatas ex ore
fundas periodos, Gemmas loquaris in
publico, cum Tibi Os aureum, & su-
um obrysum, & gemmam sui annuli,
decreto superum contulerit, non stupe-
mus plusquam humani fluiditatem elo-
quij, cum cæli fontem Sol in Aquario,
gratissimo Tuo infuderit ori. Habemus
ingentes Soli Astrorum Principi gra-
tias, pro tot favoribus urna Aquarij
in Te effusis, ampliores tamen Acade-
miæ Cracoviensis Syderi D. JOAN-
NI CANTIO, qui Tibi inocciduos
hactenus vitæ fecit oriri dies. Nimi-
rum, in ipso tenerioris vitæ exordio,
extinctus Tibi vitalis in præcordijs fuis-
set calor, nisi illum suæ injectu togæ
conservasset Cantius, rupissent tenuis-
simum vitæ Tuæ filum crudeles Par-
cæ, nisi fortiori stamine illud implexu-
isset Cantius, abstulissent Te ad tumu-
lum fata, nisi ille sub Doctorali Pallio*

B

occul-

Morti pro-
ximus in te-
nera ætate
D. Cantij
togâ sana-
tur.

occultasset. Quòd ergo mortali non
 obrigueris frigore, Togæ Cantianæ de-
 bes, quòd sicco pede Jordanem fato-
 rum transieris, hujus Sanctioris Eliæ
 debes Pallio, quòd præter spem velo-
 cius, oneraria vite optatum incolu-
 mis attigeris littus, Cantianæ Togæ
 carbasis teneris adscribere. Perieras
 lethali Parcarum vulneratus telo, nisi
 Sanctioris Trajani purpura, præsto
 fuisset. Sanè tunc cum Vate dicere po-
 poteras: Induit me Dominus vestimen-
 tis salutis, ubi tam efficax desperatæ sa-
 nitati remedium in Pallio Cantiano
 invenisti. Debes igitur gratiam vite,
 gratijs JOANNIS, vigorem ætatis,
 Fonti Doctorum, dies & Annos lon-
 giores, Soli Academico, imò illos ipsos
 Scientiarum radios, quibus more Solis,
 ex Avitæ FASCIÆ sphaera Orbem
 Sarmaticum illuminas, huic debes Lu-
 minari. Quidquid enim in limatiore
 judicio habes luminis, quo obscura con-
 siliorum serenās, quo tenebras Areo-
 pagi

Studia lite-
 rarum Ill.
 Capitanei
 in Acade-
 mia Craco-
 viensi.

*pagi illuminas, id totum ab affeclis So-
lis illius Academici phænomenis deri-
vâsti. Nihil est de grano Selectioris
literaturæ intra peripheriam Tuæ col-
lectum FASCIÆ, quod Jagellonico
acceptum non debeas Manipulo. Flos
ille sententiarum, quo stylum ornas,
de Regijs Academiæ decerptus est vir-
gis, grandis ille eruditionis thesaurus,
quo immortale pretium, & Tuo, &
Polono conciliâsti Nomini, sub Sceptra-
ta Universitatis Cruce, à Te Sarmatice
Tyberi est inventus. Nec alia Prin-
ceps Tuum ingenium, nisi Regia dece-
bant Lyceæ, eruditum Caput, omnibus
eminentius laureis, sub Regias decuit
acclinari coronas, ordinarios excedens
diligentia limites, Sceptris coërceri de-
buit, fames scientiarum Fundatorio
Jagellonis manipulo saturari. Gem-
ma ingeniorum, Regio diademati,
Rex eruditorum Regalibus Sceptris
debebaris. Gratulamur Tantum Di-
scipulum Almæ Universitati, similem*

B₂

Illi

Peregrina-
tio III. Ca-
pitaneja

*Illi nec Athenæ Græciæ, nec Sorbona
Galliæ, nec Eboræ Lusitaniæ, nec
ipsa Romanæ Urbis Sapientia educa-
vit. Si Corona hæc debitum ab alijs
Academijs non invenisset hætenus pre-
tium, Tu eruditionis Adamas sum-
mum illi conciliasses, si cælum hoc ab
eruditis syderibus, quibus nunquam
radiare cessat, nullum hucusq; per Or-
bem splendorem Nominis habuisset.
Tu Phæbus scientiarum, amplissimum
illi accendisses. Tanto Luminari eti-
am Orbis peregrinus illustrari gestijt,
itaq; Patritiæ FASCIÆ axe devolu-
tus es in Gallias, Sabaudiam, Italiam
Belgium, Bavariam, Lotharingiam,
& totum lustrasti Imperium, quod Te
cum Sole Orbi integro natum nôsses.
Primam splendorum Tuorum lucem
Lutetiæ Parisiorum spectarunt, ubi
vix exortus es, illico scientiarum sy-
dera, quæ suos ambitiosè jactabant
splendores, extingui cæperunt, extin-
ctaq; fuissent, nisi Tuum illis commu-
nicass.*

nicāsses lumen. Profuit tamen Gal-
liæ floribus ortus Tuus, ubi enim
Tuis illuxisti radijs, illico Avita illo-
rum Lilia languidum erexere Caput,
explicatiùs sua cæperunt pandere fo-
lia, odorq; illorum ad Sarmatiam
usq; est diffusus. Omnibus & in omni-
bus Te Solem probasti, sic lustrasti ter-
ras, ut cælum non desereres, sic va-
rios discurristi per orbes, ut nullibi
deviares, in cæno Aularum impollu-
tus, inter nubes adversitatum inex-
tinctus, quæcunq; aspexisti, perfeci-
sti, in oceano literario gemmas, in
Montibus Parnassi aurum doctrine
produxisti. Hoc tantum Sequanæ
Gallico debes, quod ita nitidus ex illo
emerferis, ut Romanæ Aquilæ ne
minimam in Te maculam notare po-
tuerint. Rumpimus Allegoriæ fi-
lum, & quantum Tua peregrinatio-
ne profeceris **ILLVSTRISIME**
DOMINE absq; involucro verbo-
rum exponimus. E Liliæto Gallico

C omnem

omnem civilioris literaturæ collegisti florem, è Romanis Montibus, omne Sanctioris doctrinæ eruderasti aurum, in campis Italiæ uberrimos virtutum congregasti manipulos, è nido Imperialis Aquilæ omnes heroæ activitatis gemmas extraxisti, ubiq; obviam populi admirationem, amores & plausus Principum invenisti. Gallorum Lilia Florem Te Senatoriæ juventutis aperto proclamabant ore, Caput Orbis Roma, Cor Poloni Senatûs denominavit, Stemmaticus Bavarie Leo ingentes laudum favos præbuit, Alaudæ Austriacæ toti Imperio, dignas purpurâ virtutes Tuas decantabant, singuli Principes Te Gemmam suis diadematis inserere satagebant. Auratos cum titulis torques pleriq; offerebant, ut Te catenis ejusmodi, velut quondam Herculem Tyrij detinerent, intra cordis intima rapiebant alij, nè fugâ elabereris, irritus tamen omnium fuit conatu-

*naturæ, cū Solem imitari statuis-
 ses, qui unde egreditur, eò regredi-
 tur. Redijsti itaq; è Lilieto Gallico,
 à Florentia Ethruriæ, omnigenæ
 eruditionis serto coronatus, ex Vrbe Or-
 bis Domina, Dominator cordium, è
 nido Stemmaticæ Imperij Alitis; ma-
 gnarum alarum Aquila, honorifi-
 centissimo apparatu adventum Tuum
 Patria excipiente. Vix enim redij-
 sti, statim Te in Vice-Regio Tribu-
 nalitiæ potestatis collocavit Solio, in
 quo, à longiori fatigatus itinere, quie-
 tem caperes. Occupasti itaq; Thro-
 num illum Deorum, non tantum
 os, humerosq; Dijs similis, sed ipsa
 etiam iustitiâ. Nihil quippe juxta
 Gratiani placitum, sed omnia ex sen-
 tentia Justiniani decernebas, Deos
 imitatus, qui semper, quod iustum
 est, amant decernere. Personarum
 acceptio apud Te nulla, nec ipsos
 Divos auro vel argento cælatos ac-
 ceptare voluisti. Decretorium Ju-
 stitiæ*

*Redit in Pa-
 triam.*

*Deputatus
 ad Tribu-
 nal Regni;*

stitiæ Tuæ fulmen, illi simillimum
lapidi, quem Monarcha Chaldaeus
somniauerat, nec aurato capiti, nec
argenteis parcens manibus, Iudici-
arius gladius, non velut ille The-
bani Deastri, qui grandiora non
attingebat, sed ad instar illius, qui
ex Apocalyplici Principis procedebat
ore, ex utraq; parte acutus, ipsis
etiam formidabilis Magnatibus, si
deliquissent. Nimirum, non eras
de numero illorum Iudicum, qui
Principibus iustitias suas nundinan-
tur, faciuntq; auro venalia jura,
sed ex præscripto Plinij Tuæ senten-
tiæ pretium voluisti, rectè judi-
casse. Et hinc est, quòd Te Iudice
palàm auditum sit, Astræam iterum
descendisse in terras, vel quòd illi in
FASCIATua cælestè Zodiacum pro-
curaveris, vel quòd omnia sustule-
ris crimina, quæ aspectum illius pos-
sent offendere. Aureus ab omnibus
dicebaris Iudex, quòd auro dignas
absq;

absq̃ pretio ferres sententias, acceptissimus apud omnes, quod nihil acciperes. Quam acceptus fueris integræ Ducatûs Osuiecimensis & Zatoriensis Nobilitati, cujus rotâ ad gloriosissimum Judicis Deputati Officium evectus fueras, palam est Orbi Sarmatico, Comitiali Laudo solennem Tibi sancivit gratiarum actionem, Legatos cum gratiarum actorijs destinavit literis, ut hoc florentissimo in meritorum Tuorum elogia, exarat folio, fontem Tuæ benevolentiae coronaret. Non minore activitate munus Legati ad Regni Comitia exercuisti, illa fidelitate commissum tractasti munus, qualem in Pompejo, Affricæ Principes stupuerunt, illa verborum perorasti maiestate, qualem in Romano Catone Græcia, Cynea Græcorum, Roma est mirata. Mel-leus Orator, cereas omnium reddidisti mentes, quas minimo dicendi

Legatus ad
Comitia
Regni.

D

fer-

servore resolveres, alter extra Ro-
mam Tullius, ducebas Oratione Se-
natum, quò volueras, ita ut nullus fu-
erit, qui pedibus in Tuam non ivis-
set sententiam. Quo plausu auditus
fueris, quas apprecationes, quas pa-
negyres flexanimis Tuæ svadæ au-
diveris, facilius est mirari, quàm
describere. Oratorij Tui circuli,
Gemmâ digni Cancellariâ diceban-
tur, sententiarum rosæ, purpuram
Senatoriam merite censebantur, ad
Orbis totius Principes Legationi ap-
tissimus proclamabaris. Ita nimi-
rum, quocunq; se volvit Gentilitiæ
Tuæ FASCIÆ sphaera; ubiq; cen-
trum elogiorum habet.

Illustrissi-
ma Domus
Mafachow-
sciana cele-
bratur.

Evolaret hic ad hanc sphaeram li-
bratâ pennâ Orator, nisi illam
scaria deterreret pæna, quæreret cir-
cularis FASCIÆ Tuæ originem,
& principium, nisi doceret Mathe-
sis, & termino, & principio carere
circulum. Deducant itaq; aliij origi-
nem

nem illius , à puncto Regiæ Popieli
coronæ , alij à centro Ducalis taniæ
Ducum de Szłopa, alij sphaeram hanc
simul cum Orbe Polono formatam
asserant, nobis dixisse sufficit, Cir-
culum hunc Coronam esse Patriæ,
Threijcio Jxoni pænale rotam. Hac
Rotà provehitur Patria ad trium-
phos, hoc Circulo agit in vertiginem
capita hostium, hac Catena conjura-
tos in nostri pernitiem frænat Bisto-
nes, vicinorum Principum obligat
corda, hac circulari fenestra, & suæ
libertati, & publicæ prospicit com-
moditati. An potius sphaeram syde-
ream Circulum istum dicemus, cùm
in illo Univerſa primæ magnitudinis
Orbis Poloni spectemus sydera. Hic
enim DVCVM de OSTROG, &
ZBARAZ, radiat Luna, hic DA-
NIŁOWICCIANA micant sydera,
hic HERBVRTORVM, PRZE-
RĘBSCIORVM, fulgurat Ensis,
hic triumphalis MYCIELSCIO-
D₂ RVM

*RVM splendet Sagitta, hic aureæ cu-
stos libertatis BYKOWSCIORM
emicat Gryphus, hic cunctis splendi-
dior astris Crux POTOCCIORM
fulget, hic LIGEZARVM, DON-
HOFFIORM, JORDANO-
RVM, ROZRZEWSCIO-
RVM, DVNINORM, LANC-
KORONSCIORM, BEŁZEC-
CIORM, WIELOPOLSCIO-
RVM, SIEMINSCIORM,
ZŁOTNICCIORM, MICHA-
ŁOWSCIORM, TVCZYNSCI-
ORM, GRODZINSCIORM,
WARSZYCCIORM & totius
Orbis Poloni splendores, sunt con-
centrati. Nihil est inter Ducales,
vel Palatinas Poloniae ceras illustre,
quod MAŁACHOWSCIANÆ
Zodiacus FASCIÆ non comple-
ctatur. Quot & qualia caelestē hunc
gyrum hactenus inhabitaverint astra,
curiosa non scrutamur indagine,
notum enim est Orbi Lechico, MA-
ŁA-*

*LACHOWSCIANÆ circumferē-
tiam FASCIÆ, non fatuos Co-
metas, aut erratica sydera, sed do-
cta pręgnantes Pallade Joves, Du-
ces bellorum Gradivos, disertissimos
pro Regibus & legibus Mercurios,
Senatoriæ eruditionis radijs illustres
Phæbos, semper occupasse.*

*Nolumus è cælo in paginam Di-
vos Aboriginum Tuorum detrabere
manes, quibus allegatam probemus
veritatem, unus illam pro omnibus
suffICIENTER probat NICOLAVS
MAŁACHOWSKI Castellanus
Rospirienſis Abavus Tuus ILLVS.
TRISSIME CAPITANEE, in
Senatu Deorum Jupiter, in acie præ-
liari Mars, in Legatorum concla-
vi plusquàm Mercurius. Conſecra-
vit Patriæ eruditum ad consilia ca-
put, os disertum ad libertatis defen-
sionem, cor ad amorem Principis,
manus ad victorias, & triumphos.
Quòd inter continuos Bellonæ ignes,*

Ill. Castel-
lani Rospirienſis Aba-
vi Ill. Ca-
pitanei ma-
gnæ dotes

E ali.

aliquod refrigerium invenerit Stem-
matica Regni nostri Aquila, illius su-
doribus debet, quod libertas Civium
fatalem hucusq; ignoret occasum tanti
Solis, in commune bonum ardentis-
simi, splendoribus imputandum. Co-
lumnæ Patriæ, vel ipsi de pariete
Conclavis Senatorij loquuntur lapi-
des, invictum Hercem confusus cum
Vistula hostium cruor immurmurat.

Illus. Ca-
stellanus
Sieradiensis
Avus Illus.
Capitanei
celebratur,

Par dexteritas FRANCISCI
MAŁACHOWSKI Castellani
Sieradiensis Avi Tui, sive aureum
stylum pacis consilia, sive ferreum
poscerent bella, ex utroq; Cæsar erat.
Alios non noverat menses nisi Mar-
tios & Augustos, scilicet, vel cum
Marte insensos Cælo Lechico prosti-
gare Briareos, vel cum Augusto pa-
care Rempublicam. Fulgore gladij
Othomannicas extinxit Lunas, splen-
dore ingenij Astra Senatoria illustra-
vit. Senator erga omnes liberalis-
simus, nihil in manibus retinere po-
tuit,

tuit, quasi illas perforatas cum Tutelari suo habuisset, in hoc tamen uno avarus, quod insatiabilem boni publici habuerit cupiditatem.

Altum gloriæ **CELSISSIMI PRINCIPIS, EPISCOPI CRACOVIENSIS, JOANNIS MAŁACHOWSKI**, quæ penna attinget? major est omnibus elogijs magnus iste coram Domino Orbis Ferdinando Tertio, coram quatuor Polonia Regibus, **JOANNES**. In Imperatorio Cæsaris illius palatio, aulæ rudimenta nactus, non tam gentilitiâ Fasciâ, quàm obsequijs magnum devicit Principem, ejusmodi virtutum splendoribus coruscus, quos biceps Imperij Aquila cum summa spectavit voluptate. Reducem ab Alaudis Austriacis ad Polonam Aquilam, sub alas gratiarum suarum excepit Rex **CASIMIRVS**. & ubi florem Heroum advertit, suis illum adjunxit lilijs. Postquàm sæpiùs ad

Celsissimi
Principis
Episcopi
Cracovien:
Panegyris.

E,

exte.

exteros Legatus Principes, integrum
in se uno tulisset Regnum, Referenda-
rium Regni esse voluit. Par pretium
in Libra MICHAELIS Primi gran-
dia illius invenerunt merita. summam
illi honorū lucem Stemmatica Princi-
pis accendisset Cynthia, nisi præproperè
fatalem eclypsim subiisset. Quod ta-
men Divinus præstare nō potuit Michà
él, humanissimus effecit JOANNES
hujus Nominis Tertius, manum Pro-
Cancellariā Gemmā, Caput Culmen-
si primū, mox Cracoviensi ornavit
tyarā. Itaq; Præsuleo, & Pro-Can-
cellario aris & Aulae desponsatus
annulo, ut DEO fidus, sic Regi-
bus fuit fidelissimus, sic pro Principe
locutus est, ut pro DEO nunquam
obmutesceret, sic humana in Aulis
tractavit ministeria, ut Divina nun-
quam intermitteret Pontifex, quo
Sanctiorem non habuit Ecclesia, Se-
nator, quo prudentiorem raro specta-
bit Pàtria. Missus à DEO JO-
AN-

ANNES, additissimus Missionarijs, in Circulo suæ Tæniæ, rotam melioris fortune primum Culmæ, dein Cracoviæ, illis providit, ut Arx Cracoviensis inconcussa staret, hanc Armaturam Fortium adhibuit, nè minoribus Ecclesiæ astris lux Scientiarum deesset, hos Soles, qui eam communicarent, adesse voluit. In Rotam gratiarum, etiam Salesianæ Familiæ FASCIA Ducalis abiit, Sanctior Alcinous oriunda à Gallijs Lilia, in hortum gratiarum transplantavit, Regis superni Sponsis, Avitam suam sphaeram, in sertum obtulit nuptiale; quò Cracoviensis Vaveli Coronas redderet ornatiores, his illas distinxit gemmis. Non minor erga Patriam liberalitas, ut ignes illi triumphales accenderet, integram hastatæ cohortis ære proprio conduxit sylvam, ut velocius ad victorias Sarmatici veherentur Duces, aureos nummorum circulos assatim submini-

F

stra.

stravit, ita in omniū commoda effusus,
ut vacuā Patritiæ FASCIÆ circūse-
rentiā reliquerit. Placuit nihilominus
& sic evacuata Coronato AVGVSTI
II. Capiti, gordio illius nudo plures
parabat honorū illigasse Fasces, nisi
illū atrox sua falce Lachesis discidisset.

Illus. Pala-
tino Posna-
nienfis Ma-
gnus Heros.

ILLVSTRISSIMVM
& EXCELLENTISSI-
MVM DOMINVM STANI-
SLAVM MALACHOWSKI
PALATINVM POSNANIÆ
Oratorij Numeri coarctare non au-
dent, utpote minores summā trium-
umphorum Illius, quos facilius Do-
mitor ille Turcarum scivit multipli-
care, quàm nos sufficiamus numerare.
Sub Magno illo Duce Regum, post
verò Ducum Rege JOANNE III.
belli Tyrocinia condiscens, tantum
in ferreo Martis profecit stylo, ut
barbarico cruore, indelebilem Polo-
ni Nominis characterem in Tauri-
cana conscribere membrana, & inte-
gras

gras hostium legiones delere didicerit.
Perpetuò Palmarum celebravit solen-
nia, tot triumphos numerans, quot an-
nos, & dies, ideoq; in circulari Fasciæ
sue sphaera, centrū non aliud esse volu-
it, quàm triumphos. Tumulis hostium
altiore fecit Patriam, fulmineo ensis
fulgore illustriorem, palmis & laureis
vernantiorem. Postquàm messis vi-
ctoriarū in Sarmaticis desuisset cam-
pis, ad Viennam se contulit, ubi elatum
supra omnes coronas Regū, Solymanni
Fasces, victore gladio, omniū subiecit
pedibus conculcandū. Illi debet Alau-
de Austriacæ, quòd illas Bizantinus
non deplumaverit accipiter, illius sudo-
ris gemmis, suam Vrbs Caesarum re-
redemptionē. Alorica ad purpuram,
à Sago militari ad Senatoriā invitatus
Togam, nō minùs manū prælijs, quàm
caput consilijs idoneū exhibuit. Angelū
cōsiliorū dixeris, quidquid svasit à nul-
lo rejectū, quidquid proposuit, ab omni-
bus acceptatū. Illius attonitū jurare in

verba Senatū vidimus, & doctis subsellia
plaudere verbis, seu pacem, seu bella ju-
beret. *Duorū Regū JOANNIS &
AVGVSTI* Consiliarius, utriq; ob ar-
mata gratissimus cōsilia, *JOANNES*
enim de vellere Agni sui Purpurā illi
Calissiensē texuit, *AVGVSTVS* verò
ad *Posnaniēsem*, triūphalibus Ensis
suis, iter aperuit.

ILLVSTRISSIMI Castellani Ino-
włodēsis *ADAMI MAŁACHOW-*
SKI, Sole clariores virtutes, Panegyri-
cis non egēt luminibus, naturæ Illius
gratia usq; ad deliciū, sapientia & con-
stantia animi usq; ad triumphum, elo-
quētiæ pondus supra pretiū Majestatis.
Suo capite Regū diademata coronavit,
suo pectore clypeus & umbo fuit Reipu-
blicæ. In ore rosas semper habuit, sed
nō absq; spinis, quibus oppressores liber-
tatis pungeret; ornavit stylum figura-
rū syderibus, nō ad pompā eloquētiæ, sed
ut illis in amorem Patriæ omnes ac-
cenderet. Regibus observantiā legum,
Civi-

Civibus amorem Principū insinuabat,
illis veritatē, his fidelitatē inculcans,
omnibus melleus Plato visus, quod absq̃
fusco adulationis peroraret. JOAN-
NIS Pincernæ Vielunensis, NICO-
LAI Subdapiferi Vendenfis, MA-
LACHOWSCIORVM, nota sunt
omnibus merita. Ille ea semper, quæ
ad salutem Patriæ essent proficua,
propinavit consilia, suavissima con-
versationis, & eloquentiæ nectare,
singulos ad plenitudinem usq̃ oblecta-
vit, hic verò panes propositionum,
eruditos dicendilepores, & Majesta-
tibus & Proceribus, ad gustum, semper
apposuit. ILLVSTRISSIMVS
CAPITANEVS SMOTRICEN-
SIS tot syderum non degener umbra,
tantis virtutum fulgoribus radiat, ut
inextinctum gloriæ splendorem IL-
LVSTRISSIMÆ accendat Domui.
Pietatis ignibus, vix non cælos inflam-
mat, candore pectoris ipsa extingvit
sydera, svadæ Civilis torrente, ipsa
G poli.

politioris eloquētiæ absorbet alta. Pur-
puratis candidus, Civibus urbanus,
onerofus nulli, etiam tunc, cum gravi
sententiarū perorat pondere. Adolefcit
ad tantā meritorum altitudinē ADA-
MVS MALACHOWSKI Castella-
nides Inowłodensis, ejus juventæ flos
uberrimos Patriæ pollicetur fructus.
Ditabit Theſaurum Libertatis, pre-
tioſus Vnio, addet pretium coronæ Re-
gni, Gemma Auguſti Sangvinis, cre-
ſcet in columnam Patriæ, ramus Ar-
boris, vel ipsis conterminæ cælis.

Ceſſiſſima
Domus Lu-
bomirſcia-
na lauda-
tur.

Hactenus per altum MALA-
CHOWSCIANI Sangvinis Orato-
riâ velificantes cymbâ littori nos ap-
proximare credebamur, & ecce iterum
vaiſſimo Maternæ Domus Oceano,
Regnatori Aquarum fluvio SRZE-
NIAVÆ adnavigavimus. Ocea-
num dixi, ad illum enim totum colle-
cta per orbem Auguſti Sangvinis revo-
cantur flumina, Regnatorem Aqua-
rum compellavi, ab Imperatorijs namq̃
DRV.

DRVSORVM oriundus Fontibus,
suos latices ad Regium MICHAELIS & JOANNIS thronum, ad
Neoburgica, Bavarica, Hispanica,
& ipsa Cæsarea diffudit Solia. Ex
hoc Oceano ILLVSTRISSIMI
oriuntur Soles, & Polonæ & Impe-
ratoriæ delictum Aquilæ, pretiosæ ad
Regum coronas extrahuntur gemmæ,
ad littus illius, quod Mareschalcalibus
frondescit scipionibus, clavis Ducali-
bus vernat, palmis & laureis trium-
phalibus coronatur, magnarum Do-
mum volvuntur uniones. In hoc
quippe honorum & meritorum Ar-
chipelagus, OPALINIÆ influunt
Naves, per illud SAPIEHARVM
Sagittæ, TARŁOWIANÆ,
OSSOLINIÆ Secures, ZAMO-
SCIORVM Hastæ, POTOCCIO-
RVM Trophæa, CETNERO-
RVM vehuntur Vexilla, hic se SIE-
NIAVIA, WISNIOWIECCIA.
Cynthia, hic BIELINSKIANVS
G₂ AG.

AGNVS, DONHOFFIORVM
 lavat Aper, hoc SANGVSZKO-
 RVM Eqves, WIELOPOLSCIO-
 RVM Pegafus, LESZCZYNI-
 ANVS Vrus, RYBINSCHII Piscis
 suam extingvit sitim. Hoc Flumine
 SZEMBEKIANÆ rigantur ROSÆ
 Illi MNISZKOWIANÆ super-
 natant Pennæ, verbo dicam, nulla est
 Augusti Sanguinis vena, quæ in hunc
 non influat Amnem. Quantum No-
 minis habes pretium ILLVSTRIS-
 SIMA PALATINA POSNA-
 NIENSIS Ex tot pretiosis magnarum
 Domuum unionibus! quantum splen-
 dorem gloriæ ex tot fulgentissimis Do-
 mûs Tuæ Astris! adhuc tamen Tibi
 non sufficit, sed in dies satagis, ut pro-
 prijs recte gestorum inclarescas splendo-
 ribus, viva Majorum Tuorum Ima-
 go, proprijs virtutum luceas coloribus.
 Inde est quòd statim à primo ævi ver-
 nantis purpurisso, stybium & cerus-
 sam nunquam noveris, solo candore
 inno-

Ill. Palati-
 na Polna-
 niensis Ill.
 Capiranci
 Mater vir-
 turû omni-
 um Idea.

innocentiae, & minio contenta vere-
cundiae. Alibi rara est concordia for-
ma, atq; pudicitiae, Tuo genarum li-
lieto, candor animi semper correspon-
dit, oris venusti rosae, integram vir-
tutum florentiam individuum habu-
erunt. Illa in incessu gravitas, ma-
jestas in verbis, modestia in conversa-
tione, quae vel ipsis Deabus moveret
invidiam. Quidquid inter homines
Divinum, inter terrestres Deas caeleste,
id omne, saeculi nostri Pandora in Regia
Tui pectoris inclusisti. Quærimus Re-
ginam virtutum prudentiam? Palla-
dem Te Senatoriam probas, indaga-
mus fortitudinem animi? Principem
Te Amazonum exhibes, Gallorum
Blanchis, quæ puritate mentis nati-
va excedebant Lilia, es candidior,
Bonâ Sarmaticâ, centies melior, Sco-
torum Margaritis, virtutum thesau-
ro pretiosior. In divite hac animi
gaza, maximè aurea in Divos elu-
cet liberalitas, ut inhabitarent ma-
H gni-

gnificentius, templorum Regias, Principe illis extruxisti sumptu, ut aras illorum ornatiores redderes. Te mundo muliebri exornasti, nè Sacro Convivio splendidus deesset apparatus, ad Panem Angelicum, argenteos orbes, ad Vinum Eucharisticum, aureos Calices providisti. Ut autem Divos aureis oppugnas telis, sic nec cum paupertate pacem habes, indixisti inopie bellum, quotidie illam grandi nummorum opprimens pondere, imò nulla præterlabitur hora, quàm vim non inferas illi, plus liberali dextera imponendo, quàm ferre valeat. Orphanis plusquam Mater, Religiosis ordinibus plusquam Fundatrix, nihil habetibus, plusquam omnia. Parcimus reliquis virtutibus, quibus Aulæ Tux Sanctuarium irradias, & simul modestiæ tegis sypario, quæ tamen licet tantà occultetur sedulitate, omnes in vultu **ILLVSTRISSIMÆ CAPITANEÆ KRVSZWICENSIS**, velut in quodā transparēt speculo. Trans-

tulit

Ill. Capitaneæ Kruszwicensis
Ill. Palatinæ filia;

tulit in se omniū illarum venustatē hęc
Sarmatica Pulcheria, simulq; cū lacte
intaminatū Tuum exsuxit candorem.
Parcimus etiā **CELSISSIMORVM**
PRINCIPVM LVBO MIRSCIO-
RVM Melogijs, novit enim Patria Regni
Succamerariū inter fulmina belli impa-
vidum, inter ignes Bellonę inextinctū,
Domūs Celsissimę columnam, nutantis
Regni Atlantem. Didicit pridē Cel-
sissimum Metatorem Castrorum Regni,
nec metas, nec terminos triūphis ponere,
sed inter flammās Gradivi novas illi
perpetuò fluere victorias. Triumphale
THEODORI Nomen vel ipse
Alaudę Austriacę suo concentu rese-
runt orbi, triumphosq; illius, Getici san-
guinis auctus profluvio immurmurat
Danubius. **JOSEPHVM** sua vir-
tutū illustrant sydera, quibus non Pa-
triam tantū, sed Orbem integrum
serenavit. Trophęa **GEORGI** co-
ronatū Principis versat caput, os cum
plausu prædicat, triumphales Enses
H₂ laure.

Celsissimi
Principes
Lubomirij.

laureas metunt in coronamentū. JO-
ANNEM ipsæ suæ loquuntur gratiæ,
quibus amorē apud Principem, gran-
dem apud omnes meruit æstimationem.
ALEXANDRUM, heroa fortitudo,
probata in Legationibus dexteritas, &
dignæ purpura virtutes ter Magnum
debuccinant.

Post tot Ter Magna & nunquam
satis laudata Nomina, ad Te ILLV-
STRISIME CAPITANEE, ve-
lut ad suum centrum devolvitur oratio.
Vide! quot Principes Tuae assistant in-
augurationi, quot Duces procedant,
quot Reges applaudant, quæ Procerū
comitatur turba! sane nec Magnus Cō-
stantinus dum triūphabundus Capitoliū
ascenderet, splendidiorē habuit comita-
tum. Pompatico huic agmini etiā mi-
nima Scholarum Piarum se intermiscet
Religio, cū Voto, ut Avite FASCIÆ
Tuae rotā, quā primū ad Senatorij
culmen Honoris proveharis.



Jan. 13.

Biblioteka Jagiellońska



stdr0025407

